

&c. Finis: a quo ut laudari mereamur in futuro. concedat ipse propitius. nos eum dignis in presenti uita collaudare seruitiis. Amen. Plura descripsi; arbitror enim me ignotum hactenus Haymonis in Proverbia Commentarium deprehendisse. Nam et Codex totus eadem manu decurrit, et ut Commentarium Viri hujus in Cantica praecedere vidimus, ita videbimus ea

subsequi, quae is in Apocalypsin congeffit. Nemo quidem diserte adserit, eum Proverbia tractasse, ait tamen Tritheimius n. 257. multa eum praeter ea, quae nota sunt, scripsisse, Sigebertus Gemblac. c. 135. multa exposuisse, denique Fabricius Bibl. med. Lat. L. VIII. p. 182. e Chronico ms. Job. Winnigstadii hoc de eo testimonium excitat:

*Explicat ingenio Biblia tota suo.*

Laudabilem igitur locabunt operam Bibliothecarum Praefecti, si in excutiendis seriniis suis Expositionis hujus rationem habuerint, quam integram fortassis et Haymonis insignitam nomine deprehendent.

III. fol. 22. p. 2. absque inscriptione Apocalypsis S. Jobannis, hinc inde glossis adspersa, et ad illius calcem fol. 40. p. 2. pariter ἀνεπίγραφως Expositio, cujus Prooemium incipit: *Jobannes apostolus et euangelista a domino christo electus atque dilectus. in tanto amore dilectionis ab eo est habitus* &c. Expositio ipsa hoc tenore sequitur: *Jobannes apostolus propter insuperabilem euangelizandi constantiam a domitiano cesare in exilio in pathmos insulam relegatus* &c. et sic progreditur usque ad verba: *Mittens per angelum,* ubi in Haymonis Commentarium infra referendum, impressumque Colon. et Paris. 1531. 8. incidit; legitur enim ulterius: *Iste angelus in figura christi apparuit beato iobanni* &c. Nequaquam tamen to-

tum descripsit Haymonem Librarius, sed carptim processit usque ad C. XVII. v. 7. in quo scribere desit.

XLIII. VIII. g. 14.

Codex membraneus lat. Sec. 590 XII. Folior. 168. 4. nitidissime exaratus, coloribusque variis diversos S. Scripturae Libros complectitur, hoc quidem ordine: I. *Incipit Liber Job.* Textus Vulgatae, nulla tamen Versuum distinctio, neque illa Capitum divisio, quae hodie obtinet. Ad calcem minio: *Explicit liber iob. versus 7. d. cctos. habens; Incipit prosa.* Haec Prosa nil est aliud, quam iudicium, quod Hieronymus in Epist. ad Paulinum de Jobo tulit; unde etiam subscribitur: *Hec Hieronymus de Job.*

II. fol. 22. *Incipit liber ysaiæ prophetae.* Eadem conditione, qua praecedens. Ad calcem: *Explicit ysaias propheta. vers. III. d. lxxx.*

III. fol. 64. praemissis Eusebii Canonibus nitide delineatis, abs-

que inscriptione *Quatuor Evangelia* τῶν Ἀποστόλων marginibus praeferentia, et *Matthaeus* quidem absque Prooemio, et hac clausula: *Explicit euangelium secundum mattheum habet uersus VII. dcc.* *Marcus* vero praemisso noto illo argumento: *Marcus euangelista dei electus et petri in baptisate filius* &c. et ad calcem: *Explicit euangelium secundum Marcum. ha-*

*bet uersus I. dcc.* Tum *Lucas* praemunitus argumento illo: *Lucas syrus antiochenfis. arte medicus* &c. et ad calcem: *Explicit euangelium secundum lucam habet uersus III. dccc.* Demum *Joannes*, cujus argumentum: *Hic est iohannes euangelista unus ex discipulis* &c. Hic vero nulla ad calcem subputatio, sed ejus loco:

*Explicit iste liber sit scriptor uerbere liber.*

Quod quidem metuere non debebat; ita non adcurate minus, quam eleganter pensum perfoluit.

XLIV. VIII E. g.

Theol. 358

Codex membraneus lat. theotisc. Sec. XI. Folior. 42. f. et quidem, ut Cl. *Lambecio* L. II. p. 771. edit. *Kollar. col. 569.* visum, propria Autoris manu perquam nitide scriptus, rubricisque decoratus continet labores *Willeramii*, s. *Willirami*, s. *Wilrami* Abbatis in *Cantica Canticorum*, ita, ut Textus ipse vulgatus columnam mediam caractere grandi obtineat, ad dextram Paraphrasis latina uersu hexametro leonino, ad sinistram uero Expositio profaica theotisca, immixtis tamen passim latinis uocabulis, adsistat. Fuit *Willeramus* Abbas Coenobii S. *Sebastiani Eberspergae* in *Bajouaria*, *Fulda* illuc euocatus, obiitque diem an. MLXXXV. Ita et *Codices Mss.* testantur, et *Anonymus Mellic.* et *Menrad. Moltberus* in *Praef.* ad editionem prin-

cipem *Paraphraseos* nostrae latinae, *Expositionisque* profaicae theotiscae sed miro consilio latine a se uersae *Haganae* 1528. 8. quam editionem non *Lambecius* modo, sed et *Schilterus Scherzsiusque*, ut T. I. *Theol. Antiquit. Teutonic.* adparet, ignorare, rati *Willeramum* primum editum fuisse a *Paulo Merula Lugd. Bat.* 1598. 8. Erravit itaque *Tritheimius* cum in *Scriptt. Eccl.* tum in *Viris illustr. Germ.* et alii post eum, *Willeramum* Abb. *Mersburgensem* faciendo, qui error nec in *Fabricii Bibl. Eccl.* correctus est. Multa porro de praesenti ejus Opere in *Lambecio L. suprac.* multa in praecleara ejus Editione *Ulmensi T. I. Thesauri* mox memorati 1726. f. quae mihi otium faciunt. Cum uero in hujus Editionis *Praef.* dicat *Schilterus*, spem obtinendi *Codices* nostri eum fefelisse, siquidem *Codices* usus ab ejus temporis Praefectis simpliciter illi negatus fuerit, ut inofficium, ita et a mente *Augusti* Possessoris alienum dicam. Quod si uero postularit